

Vuk'uzenzele

Uyethulelwa ngezokuThintana kukaRhulumente nokuNikela ngeLwazi (i-GCIS)

English/isiNdebele

UMhlolanja 2023 UmGadangiso 2

Kusazokuthatha Isikhatjhana Ukuvuselela I-Eskom

Isithombe: Unsplash.com

I-Eskom isacabanga ukuthi kghani angeze kwasiza na ukusebenzisa isi-

Gaba 2 nesiGaba 3 sokuqinteliswa kwegezi eminyakeni emibili ukuya kemithathu ezako, koban-

yana amaphawa azokuthola ithuba lokulungisa abe akghone ukuqinisekisa amaSewula Afrika ngobu-

jamo bezinto bangomuso ngegezi.

Kutjho uSihlalo weBhodi yakwa-Eskom u-Mpho Makwana okhulume mhlapha nje emhlanganweni weembiki-indaba wethungelelwano lemoyeni malungana neentjhijilo eziqalene nerherho le-Eskom kunye nokwethulwa kwehlelo lesikhathi sokuphakelwa kwegezi kwa-Eskom

“Sifuna ukuqinisekisa bona sinelwazi ngokuzokwenzeka kusasa nangomuso, ngokwenza ukuthi kuhlale kwaziwa ukuthi kusebenza isiGaba 2 nesiGaba 3 sokuqinteliswa kwegezi eminyakeni emibili ezako, kobanyana kuzokuba nesikhathi esaneleko sokulungiswa kwemitjhini, ukube ngahlanye sinzizisa ilizwe loke ukuthi lazi okuzokwenzeka ngegezi, ngaleyindlela abantu bakwazi ukuhlela ngcono ngabazokwenza”.

“Ukusuka esigabeni

[sokuqinteliswa kwegezi] esinye siye kesinye ngesikhathi esincani akusikuhle kunanoma ngiyiphi ibhizinisi nanoma ngayiphi indlela emiphakathini yethu,” kutjho u-Makwana. Uhlathulule bona igadangweli liyincenye yehlelo elinabileko lokwakhela amaphawa amadala wakwa-Eskom umsebenzi (omunye) omutjha.

U-Makwana uthembise amaSewula Afrika bona iinqhema ezisebenza emaphawa magega nelizwe loke “zisebenza ngokuzikhandla bona izinto zibe ngcono” ngegezi ezakuthenjwa babantu.

Ukwenza Amatjhuguluko


U-Makwana uthe ihlelo lokuvuselelwa kwe-Eskom lifaka hlangana ukuvu-

Iyaraga ekhasini lesi-2



Join the Woza Matric programme

Page 2



Apply to join the SANDF Military Skills Development System before 28 February

Page 5



Ukuze ufunde i-Vuk'uzenzele zitholele i-GOVAPP ku:



Funa u-SA Government ku- Google playstore nofana ku-appstore

UNGASITHINTA LA:



Vuk'uzenzele



@VukuzenzeleNews

Ubunzinzolwazi: www.gcis.gov.za

I-imeyili: vukuzenzele@gcis.gov.za

www.vukuzenzele.gov.za

Umtato: (+27) 12 473 0103

Tshedimsetso House:

1035 cnr Frances Baard and Festival streets, Hatfield, Pretoria, 0083

IPHEPHANDABA LASIMAHLA, ALITHENGISWA

Iraga isuka ekhasini loku-1

selelwa kwamaphawa alandelako la: i-Kendal (iKhandlela), i-Matla, iMajuba, i-Duvha, i-Tutuka (iThuthuka), neKusile bona akwazi ukuqalana neentjhihilo zokuqinteliswa kwegezi.

“Amaphawa la kufuze enziwe amaqalontanzi ngokwakha nokuthuthukisa amakghono amahle kinawo woke, kufakwe nemali eyaneleko neentlabagelo ezaneleko. Ukubuyiswa kwamaphawa amathandathu lawa ekusebenzeni ngokuthembeka, kunye neziko leKusile [ekulindelwe ukuthi libuyele ethungelelwaneni ngoVelabahlinze] kuzakuqeda ukuqinteliswa kwegezi ngeenyanga ezima-24, njengoba sikhe satjho phambilini. Kufuze siwavikele siwaphephise nalamaphawa asebenza kuhle njenganje, njengeMatimba, ne-Medupi kunye ne-Lethabo, kobanyana angafadalali,” kutjho u-Makwana.

USihlalo weBhodi uveze ukuthi nanoma i-Eskom iqalene neentjhihilo, kodwana lokhu kuyakghonakala, wabuye wakhombela woke amaSewula Afrika bona asebenzisane ne-Eskom njengombana isebenzela ukwenza amatjhuguluko azakusiza boke abantu. “Isekelo elitlhogwa yi-Eskom kiwo woke amaSewula Afrika kusebenzisa igezi ngokuyibabalela,” kutjho u-Makwana.

Urhulumende Wenzeni Ukulungisa Umraro Lo?

Ukusukela ngomnyaka wee-2018 kunengi okwenziweko ukulungisa imiraro ehlelweni lethu lezezi:

- IBhodi yakwa-Eskom nebandla labarholi abaphetheko, ebelicatjhezwe kuthunjwa kombuso, lijanyiselelwe ngabantu abawufundeleko umsebenzi.
- Ukutjhugululwa kwesakheko se-Eskom ukwakha ihlangothi elilawulwa mbuso ngeqadi sekuthomile. IKhampani le izokukghona ukuthenga igezi kubakhiqizi abahlukahlukileko, ekubalwa hlangana nabo ne-Eskom, ngentengo engalilisiko. Lokhu kuzokwenza bona kube nokuthembeka ekusatjalalisweni kwegezi.
- Ihlelo lamandla wegezi avuselelekako livuselelwe,

nge- 2,200 MW afakwe emtjhinini omkhulu wamandla ukufikela khathesi nenye godu i- 6,800 MW eengabeni ezihlukahlukileko zokuthengwa kweensetjenziswa.

- Kutjhugululwe imithetho ngoVelabahlinze womnyaka wee-2021 wokulinganiselwa kwamaphrojekthi wangeqadi ngesilinganiso esingaphasi kwe- 100 MW ekutheni afumane ilayisensi ezikweni elilawula igezi i-NERSA. Ehlangothini lelo kulapho iinkhampani zizikhiqizela igezi ezizazisebenzisela yona begodu ziyithengisele nabanye abasebenzisi bayo. Ngenca yamatjhugululuko layo, nje sekunamaphrojekthi anjalo abalelwa ekhulwini asezako anamandla angaphezu kwe- 9,000 MW. NgoNobayeni womnyaka wee-2022, isilinganiso se-100 MW sisuswe soke.

Ngingenzani Ukonga Igezi?

- Ungalisi iinsetjenziswa zegezi nemitjhinyana ikhanya nakungatlhogekiko, zicime.
- Lokhuya nawuphuma ngekumbeni namkha uphuma emakhiweni, khumbula ukucima amalerhe.
- Qinisekisa bona usebenzisa ama-globe abulunga igezi (LEDs) ekungabuye ahlale isikhathi.
- Sebenzisa amanzi amakhaza wempompi kunokuthi uhlale usebenzisa amanzi wegizara soke isikhathi.
- Sebenzisa amanzi ngokutjhejisisa, sebenzisa itjhawara kunokuthi usebenzise ibhadi- lokho konga amanzi negezi.
- Yenza isiqiniseko sokuthi iminyango yeemfrijii zakho ibamba kuhle nawuyivalileko, begodu namafrijii abekwe endaweni epholileko nengazokuvalwa lirhwabakoke lokhu kuzokusiza ekutheni asebenze kuhle.

WOZA matric 2023

South Africans who are interested in upgrading their grade 12 results, taking part in the Second Chance programme, or would like to get good marks in their

matric year have an opportunity to be part of the WOZA matric programme. National Education Collaboration Trust (NECT) and the Department of Basic Education (DBE) joined forces and launched the Remote Digital Learning programme (RDL).

This was following the difficulties experienced in online learning during the different stages of lockdown as a result of the COVID-19 pandemic.

Fast forward to 2023, the campaign continues to address systemic learning challenges, digital inequality and system capacity constraints

The RDL campaign has assisted in bridging the learning gap by understanding learners' needs and how technology can play a role in learning journey.

The RDL campaign is also inclusive of the Tswelopele campaign which focuses on grades R to 11.

The Tswelopele and the WOZA Matric programme provide learning continuity, curriculum catch-up, support, revision and exam preparation through multiple digital and non-digital platforms for pupils, teachers and parents.

The Second Chance Matric Programme (SCMP) is a matric rewrite programme

that was established in 2016 for learners who would like to improve their results or eventually complete their matric qualification on a part-time basis.

During 2021 an average of 5.8 million viewers watched WOZA Matrics on SABC 1 per month. In 2022 from March to October Tswelopele users between the ages of 4 - 65 have been reached with an average reach of about 1, 5 million viewers per month.

Last year 600 000 Grade 12s, including second chance learners and 600 000 General Education and Training Certificate learners were able to have more opportunities for psycho-social support, curriculum catch-up, revision, and exam assistance. Fur-

thermore, 50 000 teachers and parents or caregivers were provided with opportunities to support their learners with catch-up and revision. **V**

This information was supplied by the National Education Collaboration Trust (NECT)

For more information about these programmes visit the following websites:

- www.wozametrics.co.za
- www.tswelopele.org.za/about-us/
- www.education.gov.za/Curriculum/SeniorCertificate/SCRegistration...



Picture: Unsplash.com



government communications

Department: Government Communication and Information System
REPUBLIC OF SOUTH AFRICA

Tel: 012 473 0353

Email: vukuzenzele@gcis.gov.za

Address: Private Bag X745, Pretoria, 0001

Head of Editorial and Production

Regomoditswe Mavimbela
Regomoditswe@gcis.gov.za

Acting Editor-in-Chief

Zanele Mngadi | Zanelemngadi@gcis.gov.za

Managing Editor

Tshepo Nkosi | Tshepon@gcis.gov.za

News Editor

Noluthando Motswai

Writers: More Matshediso

Graphic Designers

Tendai Gonese | Benny Kubjana

Production Assistants

Jauhara Khan | Sebastian Palmer

Language Practitioners

Nomgcibelo Motha | Boitumelo Phalatshe
Thandolunye Khulu | Mahanyele Ramapala



Vuk'uzenzele
is published by Government Communications (GCIS)

Distributed by:
ON THE DOT

Printed by:
RISING SUN PRINTERS
The Johannesburg Edition

The material in this publication may be reproduced, distributed, or transmitted in any form or by any means, including photocopying, recording, or other electronic or mechanical methods, without the prior permission of the publisher on condition that this publication shall be credited as the source.



Siqeda Ukuqinteliswa Kwegezi Ngokuhlanganyela

Iphephanda ba i-Sowetan mhlapha nje belikhamba ngendaba ephambili ethi, "Unplugged", libala amabhizinisi amancani welizwe lethu aphazanyiswe mraro wegezi. Ukuvalwa kwamabhizinisi la kutjengisa umthelela omumbi phezu kwemithombo abantu abaziphilisa ngayo, naphezu kwamabudango wokuphila ipilo engcono, ngokunande kuqinteliswa igezi.

Minengi eminye imibiko ngemithelela yokuqinteliswa kwegezi epilweni yabantu, ngokuphazamiseka eembhedlela, eenkolweni, emakhotho, nakeminye imisebenzi karhulumende. Sizwa nangamafemu alahlekelwa sikhathi esiligugu kiwo somkhiqizo, abalimi abangasakghoni ukugcina imikhiqizo yawo imihle, kunye namajima wokutjalwa kweemali aphazamisekako.

Njengombana ukuqinteliswa kwegezi kusaraga nokwenza umonakalo emabhizinisini, emikhayeni kunye nemi-phakathini, into yokugcina amaSewula Afrika angafuni nokuyizwa kusithela ngento engekho namkha iinthembiso ezingeze zafezeka. Iimfuno zabantu zokuthi kuphele khona nje ukuqinteliswa kwegezi zizwisiseka ngokupheleleko. Woke umuntu udiniwe kwanjesi.

Nanyana kunjalo, sisemrarneni wegezi osele uneminyaka wathoma ukwenzeka.

Nanyana kungabonakala kulula ukusola ukungasebenzi kuhle kwe-Eskom bona ngikho okubangele lemiraro esikiyo, kodwana kunengana okwenze bona sigcine sikilomraro wegezi. Kuqakathekile uku-

nande sikhumbula amabanga asenze sibe kilobubujamo kobanyana sizokwazi ukulwa nabonobangela bemiraro, ingasi amatshwayo wemiraro.

Ukungazilungiseleli amandla amatjha wokuphehla igezi, ukungalungiswa kuhle kwemitjhini yemaphawa, ubukhohlakali nobulelesi, ukugiribezwa komthangalasisekelo, ukuphakama kweenkwelede zabomasipaladi kunye nokutlhogakala kwamakghonofundwa afaneleko kwa-Eskom, ngikho koke okubangele lemiraro i-Eskom ekiwo. Angeze kwaba nesisombululo esibambelelako ngaphandle kokulungisa woke lamaphuzu ngokuhlanganyelwa.

Asikafaneli ukwenza iimphoso zesikhathi esidlulileko. Eminyakeni eminengi edlulileko bekungalungiswa ngefanelo, umsebenzi oqakathekileko wokulungisa bewutshwiliswa isiphelani, kanti amaphawa wethu bekasebenza ngaphasi kwegandelelo elikhulu bona aphakele igezi. Njengelizwe, namhlanje sibhadalela imitjhapho leyo yokungenzi izinto ngefanelo.

Kufanele sibe namaqiniso ngeentjhijilo zethu nokuthi yini okuzokwenziwa ukulungisa okungakalungi. Nanyana soke nje sifuna njalo, kodwana angeze kwakghonakala bona ukuqinteliswa kwegezi sikuqede ngalanganinye.

Emalangenani ambalwa adlulileko, ngibambe imihlangano yokukhulumisana nabajamelali bekoro yezemisebenzi, bamabhizinisi, abarholi bendabuko, abarholi bezekolo kunye nebomphakathi. Ngibuye

ngahlangana nabondunakulu, abomeyara babomasipalada abakhulu kunye nabarholi beenhlangano zepolitiki.

Kiyo yoke lemihlangano engiyibambileko, ngigandelele indaba yokuqakatheka kokubambelela kesikwenzako nanyana kungaba budisi kangangani, kunokuthi sivele neensombululo zesikhathjha ezingabambeleleko.

Ngimemezele nehlelo lesitjhaba lamaGadango weGezi, i-Energy Action Plan, ngomnqopho wokuthi amaphawa wakwa-Eskom azokusebenza ngcono, kungezeleleke namandla amatjha wokuphehla igezi msinyana ngendlela ekungakghonakala ngayo. Ihlelweni limphumela wemihlangano yokubonisana ngokunabileko kanti liphasiswe zizazi emkhakheni wezemandla njengendlela ekungiyiyo yokuqeda ukuqinteliswa kwegezi.

Njengombana soke sazi kuhle ngesikubone eemvekeni ezimbalwa ezidlulileko, amagadango amanengi angaphakathi kwehlelwele angekhe abonakale msinyana.

Ngikho nje sisebenzisa zoke iindlela esinazo, siletha zoke iinsetjenziswa esinazo, kobanyana sikwazi ukubuyisela amandla wegezi endimeni efaneleko msinyana khulu.

Amaphawa wakwa-Eskom aphehla igezi ngamalahle ngiwo asiphakela igezi ngobunengi. Ngikho nje woke amehlo aqale i-Eskom yodwa bona yenze ubungcono emsebenzini wayo Isiqhema sezazi ezizijameleko sisahlolisisa abonobangela bemiraro yokuthi amanye amaphawa angasebenzi kuhle nokuthi kuthathwe amagadango wokulungisa asebenze kuhle

lapho angasebenzi khona kuhle. Sekubekiswe amaphawa amathandathu bona afumane itjhejo eenyangeni ezizako bona angezelele amandla wokuphehla igezi.

I-Eskom isebenzela ukuhlanganisa i-Unit 5 yeKusile erhelweni elikhulu lamandla wegezi kungakapheli uKhukhulamungu umnyaka lo. Kwenziwa yoke imizamo erhabileko ukubuyisa amanye amayunithi e-Medupi, eKusile ne-Koeberg ngamandla abonakalako.

I-Eskom ithenge emazweni abomakhelwana amandla wegezi we-300 MW. Kusese nemikhulumiswano eragako yokungezelela ngenye i-1,000 MW. I-Eskom ngokunjalo isebenzela ukuthenga igezi eseleko eenkhampanini ezinamandla wokuphehla igezi, isikhathi esiminyaka emithathu.

URhulumende utlikitle iimvumelwano zamaphrojekthi ama-25 ku-Bid Windows 5 ne 6 wehlelo lamandla avuselelekako, kanti amaphrojekthi la ingasikade nje azokuragela phambili ekwakhiweni. Amaphrojekthi la ahlalene ahlanganisa amandla amatjha we-2,800 MW.

Ukungezelela umkhiqizo sewuwoke wegezi, phezu kwalokho i-Eskom ekunikelako, sithethe amagadango wokuvulela amasiso azwisisekako wokufumana amandla wegezi kubakhiqizi abazijameleko ekukhiqizeni amandla amatjha wegezi. Iimfunekozelayisensi ezibekiweko zamajima wokukhiqiza igezi sezisusiwe. Njengombana ekuthomeni besiphakamise isigaba selayisensi ukufikela ku-100 MW, ukungena komkhakha wamaphrojekthi azijameleko

kukhule kwayokuba ngaphezulu kwamaphrojekthi angaphezu kwe-100 ngamandla wegezi angaphezu kwe-9,000 MW.

Sisuse iinqabo neenkambiso ezide ezilandelwako zelawulo, ukuphungula iinkhathi zokuphasiswa kwezibhoduluko, ukutloliswa kwamaphrojekthi amatjha kunye nokuphasiswa kokuhlanganiswa kwamandla wegezi nethungelelwano legezi elipheleleko.

Eminye imithombo emikhulu yokukhiqiza amandla amatjha maphaneli ahlaliswa phezu komfulelo aphehla igezi ngomtjhiso welanga.

Uzokuqedwa khona duze nje umsebenzi wokubekwa kwentengo ezakuvumela amakhastama ukuthengisela ithungelelwano legezi igezi eseleko ayiphehle ngomtjhiso welanga phezu kwezindlu.

Soke nje singalima indima yethu ngokubhadalela igezi esiyisebenzisako. Isikwelede esikhulu esikweledwa i-Eskom boMasipalada siwuphazamisa khulu umsebenzi we-Eskom wokubhadalela imisebenzi eqakathekileko yokulungisa.

Boke ababelani engihlangene nabo ngaphandle kokukhetha, bayakuthokozela ukuncama, bayabubona nobumbi nokungenelela kwesitjhijilo esiqalene naso. Boke njalo batjengise ukuzibophelela ukuthatha nanyana ngiwaphi amagadango afunekako ukubuyisa igezi yethu begodu baragele phambili nomsebenzi wokwenza ipilo yabantu beSewula Afrika ibe ngcono.

Nanoma singekhe sikwazi ukuqeda ukuqinteliswa kwegezi khona nje, kodwana esineqiniso ngakho kukuthi nasingasebenzisana ngokurhabako ukujamisa ihlelo i-Energy Action Plan, umthelela wokuphunguka kancani kancani. Ngokusebenzisana, khona duze nje sizokufika lapho sizabe sesinegezi eyaneleko yokuthi kuphele nya ukuqinteliswa kwegezi.